

**Акафист Пресвятей Богородице иконы Ея ради, Абалакская
именуемая**

Кондак 1

Избранней Предвечным Царём в наше верных спасение небесé и земли Царице благодарственную похвалу приносим Ти, Богородице. Ты же, яко имущая милосердие неизреченное, от всяких нас бед свободи и ко спасению настави, да зовём Ти: Радуйся, Владычице, милостивая пред Богом Заступнице.

Икос 1

Ангельскими усты подобает славить Тя, Владычице Богородице, яко начатки просвещения христианскаго в земли Сибирстей освятила еси явлением Своим, Свята́я Де́во. Изволила еси благочестивей вдовице Марии открыти волю Свою́ еже храм воздвигнути для спасения людей, поющих Тебе́ таковая́:

Радуйся, мира от пути погубельнаго обращение;
радуйся, Церкви Христо́вы прославление.
Радуйся, праведных духовное веселие;
радуйся, кающихся грешников спасение.
Радуйся, православных утешение;
радуйся, образе любви и милосердия.
Радуйся, Владычице, милостивая пред Богом Заступнице.

Кондак 2

Видеша некогда Сибирстии народи чудное видение, еже показа Господь, яко град христианский светяйся с церквами и звоном велиим на воздухе стояше, идеже ныне град Тобольск пребывает, и дивишася. Мы же, разумевше силу Божию в приобщении Сибирских народов вере православней, поём Богу: Аллилу́иа.

Икос 2

Показа́ силу Божию во языцех Сибирских Васи́лий, сын Тимофе́я, со дружиною ма́лою, «С нами Бог» зывающе, Бо́гу тем содействующу, ополчение иновёрных прогнаша, вере православней на Абала́це послужаша, идеже ныне обитель Бо́жия Ма́тере Зна́мения, мы же вопиём Ей таковая́:

Радуйся, благовестия проповедание;
радуйся, народов Сибирских просвещение.
Радуйся, свет во откровение языков являющая;
радуйся, от вечныя смерти души спасающая.

Ра́дуйся, це́ркви Бо́жия созида́ющая;
ра́дуйся, к жи́зни вѣчной нас возводи́ющая.
Ра́дуйся, Влади́чице, ми́лостивая пред Бо́гом Засту́пнице.

Кондак 3

Егда́ ма́лая дружи́на в моли́тве но́щь провожда́ше, яви́ся воево́де Ермаку́ святы́тель Никола́й, повелева́я в чистоте́ жи́ти и приле́жный пост имѣти, и прорече́, я́ко бу́дет во Абала́це оби́тель Пресвяте́й Богоро́дице. О сем див́ном явлѣнии воево́да Васи́лий всем возвести́, воспева́я Бо́гу: Аллилу́иа.

Икос 3

Ви́девши Боголю́бивая вдови́ца Мари́я в трикра́тном видѣнии всечестна́го ли́ка Богома́тере изображе́ние и услы́шавши повеле́ние святы́теля Никола́я возвести́ти во́лю Ея́, во смире́нии убо́яся пове́дати лю́дем, и взыва́ше к Богоро́дице тако́вая:

Ра́дуйся, та́ин Бо́жих явлѣние;
ра́дуйся, ве́ры правосла́вныя утвержде́ние.
Ра́дуйся, ми́лостивое о лю́дех попече́ние;
ра́дуйся, сумне́ний душевных разре́шение.
Ра́дуйся, призыва́ющим Тя помога́ющая;
ра́дуйся, всех скорбя́щих ра́дующая.
Ра́дуйся, Влади́чице, ми́лостивая пред Бо́гом Засту́пнице.

Кондак 4

Бу́ря помышле́ний сумни́тельных в ра́достную ти́шину преложи́ся, егда́ уви́де вдови́ца о́браз Пречи́стыя Богоро́дицы, подо́бный Зна́мению Новгоро́дскому, то́чию с предсто́ящими святы́телем Никола́ем и преподо́бною Мари́ею Египтянынею, к нему́же ны́не притека́юще, поём Бо́гу: Аллилу́иа.

Икос 4

Слы́шав Евфи́мий, осла́бленный те́лом, совет́ еже написа́ти явленную ико́ну в но́вую це́рковь во Абала́це, потща́ся вда́ти де́ло си́е иску́сному в иконописа́нии протоди́акону Матфе́ю. Егда́ же о́браз сей писа́шеся, боля́щий помалу́ исцеля́шеся и в ра́дости взыва́ше к Богоро́дице:

Ра́дуйся, наде́ждо на́шего спасѣ́ния;
ра́дуйся, исто́чнице обновле́ния.
Ра́дуйся, боля́щих исцелѣ́ние;
ра́дуйся, печа́льных утешѣ́ние.

Ра́дуйся, враждующих примирение;
ра́дуйся, благочестия укрепление.
Ра́дуйся, Владычице, милостивая пред Богом Заступнице.

Кондак 5

Имеюще неложная свидетельства милосердия Божия, прияша вси благословение Тобольскаго архипастыря Нектария устроить церковь Богородицы во Абалаце, в радости поюще Богу: Аллилуиа.

Икос 5

Видевше людие тобольстии честную икону Божия Матере, явившую чудесное исцеление болящему Евфимию, яко Божественное сокровище прияша ю и поставиша в новом храме во Абалаце, поюще к Богородице:

Ра́дуйся, явлением Своим землю Сибирскую освятившая;
ра́дуйся, иконою Своєю благодать подающая.
Ра́дуйся, добрая начинания благословляющая;
ра́дуйся, грешных с Богом примиряющая.
Ра́дуйся, храмов Божиих украшение;
ра́дуйся, сердец наших умирение.
Ра́дуйся, Владычице, милостивая пред Богом Заступнице.

Кондак 6

Проповедницы силы Божия явившася вси приявши чудесное укрепление и исцеления от святых иконы Твоея, Владычице, сего ради мнози от неверия и идолослужения к Богу обращаяхся и нерадивии житие исправляху, в покаянии зовуще: Аллилуиа.

Икос 6

Воссия есть благодать Бога Всевышнего от цельбоносного источника, иконы Пресвятыя Богоматере, Сибирстей земли в покров явленной, здравие душ и телес нам подающей. Сего ради вопием Богородице таковая:

Ра́дуйся, наше крепкое упование;
ра́дуйся, благодати стяжание.
Ра́дуйся, кающихся прощение;
ра́дуйся, плачущих утешение.
Ра́дуйся, слепых прозрение;
ра́дуйся, страждущих исцеление.
Ра́дуйся, Владычице, милостивая пред Богом Заступнице.

Кондак 7

Хотяй всем человеком спастися и в покаянии благодатную помощь обрести, услыша Господь молитвы Матере Своея, егда тобольская земля от долгаго дождя и воднаго потопления погибаше, и народ, пред иконою Твоею моливыйся, от отчаяния избави, нас же благодарно пети научи: Аллилуиа.

Икос 7

Хотяй архипастырь Тобольский Корнилий пастве своей помощи, в беде от многих дождей пребывающей, икону Божия Матере Абалакскую во град принести повеле и, пад пред Нею с народом, зываше:

Радуйся, милосердие Божие нам являющая;
радуйся, веру нашу утверждающая.
Радуйся, безвѣдрие прекращающая;
радуйся, посевы от вреда сохраняющая.
Радуйся, градов и селений упование;
радуйся, спасения нашего основание.
Радуйся, Владычице, милостивая пред Богом Заступнице.

Кондак 8

Дивно бысть, како при молитвах чтущих образ Богоматере корабль невидимую силою Божиею с якорей сняшася и вверх по реце поидоша, дондеже достигоша места, идеже ныне град Семипалатинский, и недвижимо сташа. Людие же, чудеси сему дивящися, возопиша Богу: Аллилуиа.

Икос 8

Промыслом Божиим определи святитель Филофей Тобольский образу Богоматере зримым свидетелем покровя и ограждения всего Сибирскаго края бѣти, да и местнии народи, к свету Православия приобщившися, воспевают Благословенней тако:

Радуйся, Духом Святым водимая;
радуйся, Воеводо христиан непобедимая.
Радуйся, нищетю духа блаженство восприявшая;
радуйся, смирением и кротостию просиявшая.
Радуйся, жаждущим спасения Скоропослушнице;
радуйся, щедрот духовных подательнице.
Радуйся, Владычице, милостивая пред Богом Заступнице.

Кондак 9

Всякое житёйское отложивше попечёние, к Тебё притекаём, Всемилостивая Владычице. Яви нам милость Твою, да укрепимся в вере и воспойм Богу: Аллилуиа.

Икос 9

Ветии человечести недомеют, како прибегающи к иконе Твоей восприемлют Божественную благодать и помощь скорую, мы же, укрепляеми глаголом Божиим, яко вся возможна верующему, притекаем к образу Твоему, и благодарно зовём:

Радуйся, подательнице Божественныя благодати;
радуйся, источнице благодатныя радости.
Радуйся, страны нашей духовное просвещение;
радуйся, Православия сохранение.
Радуйся, страху Божию научающая;
радуйся, нерадивых на подвиг вдохновляющая.
Радуйся, Владычице, милостивая пред Богом Заступнице.

Кондак 10

Спасительное прибежище от пагубных соблазнов мира явила еси во Абалаце, Богородице, устроивши обитель иноческую, в нейже под покровом иконы Твоея с верою притекающих от греха отвращаеши и доброму жительству научаеши. Мы же в сердцах наших поём Богу: Аллилуиа.

Икос 10

Стена и покров земли Сибирстей дадеся святая икона Твоя, Богородице, ибо небесе и земли Творец, в девственную утробу Твою вселися, темже ублажати и воспевати Тя научает нас тако:

Радуйся, Честнейшая Херувим;
радуйся, Славнейшая без сравнения Серафим.
Радуйся, сад духовный в Сибири насаждающая;
радуйся, дети благословляющая.
Радуйся, юныя к познанию истины направляющая;
радуйся, старость благодатно укрепляющая.
Радуйся, Владычице, милостивая пред Богом Заступнице.

Кондак 11

Пение хвалёбное во главе уст и сердец наших прими от нас, Владычице, яко солнце светлейшее отгоняющая тьму неведения. Мы же, благодаряще Бога о явлении Твоем, вопием: Аллилуиа.

Икос 11

Светопреемная свещá истиннаго Свѣта нам, сущим на земли, являющаяся, души просвещáеши и чтущих святую икону Твою к разуму Божественному наставляеши, да поем Ти таковая:

Рáдуйся, свѣтом благодáти озаряющая;
рáдуйся, хлѣбом жизни нас питающая.
Рáдуйся, земнаго пути освящение;
рáдуйся, о душах наших попечение.
Рáдуйся, на суде Божием заступление;
рáдуйся, христиан вѣчное радование.
Рáдуйся, Владычице, милостивая пред Богом Заступнице.

Кондак 12

Благодáть Божию чрез икону Свою, Богородице, на нас изливающая и благими помышленьми сердца наша озаряющая, Пресвятáя Дѣво, от греховнаго пути нас отведи и к добродѣтели направи, да благодарственно воспоем Богу: Аллилуиа.

Икос 12

Поюще Тя, Дѣва Всепѣтая, пред чудотворною Абалакскою иконою Твоею благодарно припадающе и с любовью лобызáюще ю, молим Тя: настави нас немощных на путь спасения, да достойни будем милости Твоея, воспевающе Ти тако:

Рáдуйся, путь спасения миру возвестившая;
рáдуйся, основание Абалакския обители положившая.
Рáдуйся, притекающих к святýни Твоей исцеление;
рáдуйся, ищущих спасения вразумление.
Рáдуйся, иноков укрепление;
рáдуйся, всех христиан утешение.
Рáдуйся, Владычице, милостивая пред Богом Заступнице.

Кондак 13

О Всепѣтая Мати Господа нашего Иисуса Христа. От Ангел достойно чтима и ликом Сибирских святых прославляемая, милостивно прими благодарение, Тебе приносимое, да Твоими молитвами спасаеми, поем Богу: Аллилуиа.

Молитва

О Всеблагословенная Владычице, Богородице Дѣво, прими, ходатайством великаго святителя и чудотворца Николая вкупе с преподобною Мариею Египетскою, сию молитву, Тебе ныне приносимую от нас недостойных раб Твоих, к цельбонóсному образу

Твоему со умилением притекающих. Услыши моление нас, грешных, с верою благодатныя помощи просящих. Якоже древле страждущим людем тобольским помогла еси, и небеса от многих дожденосных туч очистила еси, и землю плодосием исполнила еси, сие и ныне облак неверия и всякаго зла, на страну нашу нашедший, молитвами Твоими отведи и во благочестии и вере православней люди Твоя возрастят, отступльши же и неверныя к Церкви Святей приведи, да вси в единомыслии и блазей надежды на спасение вечное прославляем Бога в Троице славиимаго, Отца и Сына и Святаго Духа, ныне и присно, и во веки веков. Аминь.